

საქართველოს მუნიციპალური განვითარების ფონდი



მოწვევა სატენდერო წინადადების წარდგენაზე

საქართველო

რეგიონული განვითარების პროექტი III

დუშეთის ცენტრალური პარკის რეაბილიტაცია

პროექტის ნომერი: P150696

კონტრაქტის/ტენდერის #: IBRD/RDP/III/CW/NCB/27-2016

საქართველოს განზრახული აქვს მიიღოს მსოფლიო ბანკისაგან (The World Bank) დაფინანსება რეგიონული განვითარების მესამე პროექტის (RDP III) განსახორციელებლად და ამ სახსრების ნაწილი გამოიყენოს შემდეგი კონტრაქტით გათვალისწინებული გადახდებისათვის: **დუშეთის ცენტრალური პარკის რეაბილიტაცია**.

სარეაბილიტაციო ტერიტორია მდებარეობს ქ. დუშეთის ცენტრში. ცენტრალური პარკი რუსთაველის, ერეკლე II-ს, ჭავჭავაძისა და კოსტავას ქუჩებითაა შემოსაზღვრული, ფართობით 12200 მ2. ტერიტორია დახრილია აღმოსავლეთ-დასავლეთით. ნიშნულებს შორის სხვაობა 8მ-ს აღწევს. პარკი შემოსაზღვრულია დეკორატიული ქვის წყობის გალავანით. მას შუაზე ყოფს ხეივანი, რომლის მარჯვენა ნაწილში აგებულია გუმბათიანი ეკლესია, სამრეკლო და ერთსართულიანი, გეგმაში წაგრძელებული ნაგებობა - „მღვდლის სახლი“. ამავე ნაწილში, ტაძრის ზემოთ, გასული საუკუნის 60-იან წლებში აშენებული როტონდაა - მრგვალი გადახურული სივრცე, სადაც ადრე კაფე ფუნქციონირებდა. პარკი კარგადაა გამწვანებული, თუმცა მოუვლელობის გამო ხშირია ბუჩქები და ეკლები. პროექტით განსაზღვრულია პარკის სრული რეაბილიტაცია. კერძოდ: მოიკირწყლება სასეირნო ბილიკები; აღდგება შადრევანი; დაირგვება დამატებითი ხეები და ბუჩქები; დაიდგმება საპარკე სკამები, სანაგვე ურნები, ლამპიონები; მოეწყობა საზოგადოებრივი საპირფარეშო, ფანჯატური სამაგიდო სათამაშოებისათვის; რეაბილიტირდება არსებული როტონდა, სადაც მომავალში შესაძლებელია მოეწყოს კაფე-სანაყინე; ბოლნისის ტუფით შეიმოსება ტაძრისა და სამრეკლოს ფასადები; მოეწყობა საკანალიზაციო სისტემა და მიერთდება ქალაქის არსებულ ქსელს. სრულად რეაბილიტირდება პარკის ირგვლივ არსებული ტროტუარები.

ძირითადი სარეაბილიტაციო სამუშაოები:

1. მიწის სამუშაოები - 1215.0 მ3 (თანახმად, მაგრამ არ შემოიფარგლება, ზოგადი სპეციფიკაციების #3 თავისა.)
2. ეკლესიის და სამრეკლოს ფასადების მოპირკეთება ბოლნისის ტუფით - 609.00 მ2 (თანახმად, მაგრამ არ შემოიფარგლება, ზოგადი სპეციფიკაციების #16 თავისა.)
3. ქარხნულად დაფერილი სახურავის ფენილის მოწყობა - 672.00 მ2 (თანახმად, მაგრამ არ შემოიფარგლება, ზოგადი სპეციფიკაციების #8 თავისა.)
4. ბუნებრივი ქვის ფილებით ბილიკებისა და დასასვენებელი ზონების მოპირკეთება - 5713.0 მ2. (თანახმად, მაგრამ არ შემოიფარგლება, ზოგადი სპეციფიკაციების #17 თავისა.)
5. ბეტონის სანიაღვრე არხების მოწყობა თუჯის ცხაურით - 480.00 გრძ.მ (თანახმად, მაგრამ არ შემოიფარგლება, ზოგადი სპეციფიკაციების #4 თავისა.)

სამუშაოების ხანგრძლივობაა **8 (რვა) თვე** სამუშაოების დაწყებიდან.

საკვალიფიკაციო მოთხოვნათა შორის არის, მაგრამ არ შემოიფარგლება შემდეგით:

ა) კონკურსანტის სამშენებლო სამუშაოების საშუალო წლიური ბრუნვა დაანგარიშებული მიმდინარე ან დასრულებული კონტრაქტების ერთობლივი დადასტურებული გადახდებიდან, ბოლო სამი (3) წლის (2013, 2014, 2015წწ.) განმავლობაში უნდა იყოს არანაკლებ 3,410,000.00 ლარის ექვივალენტი;

ბ) კონკურსანტმა უნდა წარმოადგინოს ფინანსური რესურსების ხელმისაწვდომობის ან არსებობის დამადასტურებელი დოკუმენტაცია, როგორიცაა ლიკვიდური აქტივები, დაუფირავებელი უძრავი ქონება, საკრედიტო ხაზები და სხვა ფინანსური რესურსები, გარდა სხვა საკონტრაქტო საავანსო თანხებისა, მინიმუმ 569,000 ლარის ექვივალენტის ოდენობით;

გ) ხელმისაწვდომი წლიური შესაძლებლობა არანაკლებ 2,275,000.00 ლარისა.

დ) კონკურსანტს, 2011 წლის 1 იანვრიდან განაცხადის წარდგენის ბოლო თარიღამდე, წარმატებულად უნდა ჰქონდეს დასრულებული სულ მცირე ერთი (1) მსგავსი სახის სამუშაოების კონტრაქტი არანაკლებ 1,800,000 ლარის ექვივალენტის ღირებულებით, ან სამი (3) ან ნაკლები კონტრაქტი (აღნიშნული ხასიათის), თითოეული არანაკლებ 600,000.00 ლარის ექვივალენტის ღირებულებით, მაგრამ ჯამურად არანაკლებ 1,800,000.00 ლარის ექვივალენტის ღირებულებით.

1. საქართველოს მუნიციპალური განვითარების ფონდი იწვევს უფლებამოსილ და კვალიფიცირებულ კონკურსის მონაწილეებს განახორციელონ **დუშეთის ცენტრალური პარკის რეაბილიტაცია**.
2. კონკურსი ჩატარდება მსოფლიო ბანკის მიერ 2011 წლის იანვარში გამოცემული და 2014 წლის ივლისში განახლებული „რეკონსტრუქციისა და განვითარების საერთაშორისო ბანკის სესხებითა და საერთაშორისო განვითარების ასოციაციის კრედიტებითა და გრანტებით განხორციელებული საქონლის, სამუშაოების და არასაკონსულტაციო მომსახურებების შესყიდვების სახელმძღვანელო დებულებაში" აღწერილი ეროვნული საკონკურსო ვაჭრობის პროცედურების შესაბამისად და მასში მონაწილეობის მიღება შეუძლია ყველა უფლებამოსილ მონაწილეს, სახელმძღვანელო დებულებაში მოცემული განსაზღვრების შესაბამისად. აგრეთვე, გთხოვთ იხილოთ ზემოაღნიშნული მსოფლიო ბანკის სახელმძღვანელო დებულების პარაგრაფები 1.6 და 1.7, რომელიც ეხება ინტერესთა კონფლიქტს.
3. საკონკურსო წინადადებები წარმოდგენილი უნდა იქნას სახელმწიფო შესყიდვების ერთიანი ელექტრონული სისტემის გამოყენებით.
4. საკონკურსო წინადადებას თან უნდა ახლდეს სატენდერო წინადადების საგარანტიო დეკლარაცია ვადით: 1 (ერთი) წელი სატენდერო წინადადებების გახსნის დღიდან.